



je! unahofu
K a n s a ?

JE! UNAHOFU KANSA?

♪ Madaktari hawana tiba yake—bali malaika aliyetumwa kutoka katika uwepo wa Bwana amempa Ndugu Branham maagizo yasiyokosea yatakayomponya mgonjwa ye yote. Sikiliza maneno ya huyo malaika:

“Kama unaweza kuwafanya watu waamini,
hakuna kitu kitakachosimama mbele zako, WALA
HATA KANSA.”

² Katika miaka mitatu ambayo nimezunguka nchi katika mikutano ya Branham, nimeona ya kwamba kansa ndiye pepo ambaye mara nyingi sana anaangamizwa kupitia huduma ya Ndugu Branham. Wagonjwa wengi zaidi wa kansa wamewezeekana kuponywa kupitia katika huduma ya Ndugu Branham. Wagonjwa wengi zaidi wa kansa wanaponywa kuliko ugonjwa mwingine wowote. Nina furaha sana kwa ajili ya jambo hili kwa kuwa kansa inasambaa kwa hasira kali, na hata sasa madaktari hawana tiba ya kuitibu.

³ Wengi wa watu wanaoitwa kwenye mstari wa maombi wanaonekana wakiwa wana nguvu na ni wazima, na mtu angeona kwamba hawana haja ya kadi ya maombi; wakati wengine huketi kwenye viti vya magurudumu, ama wako kwenye machela na namba yao haiitwi. Bali kamwe siaona jambo hilo likishindwa, wakati wanaposimama pale mbele ya malaika wa Bwana, inafunuliwa ya kwamba kivuli cheusi cha mauti kinamfuata mtu huyo na kansa inayaangamiza maisha yake. Hakika Bwana ni mwema kwa wale ambao wangekufa hivi karibuni kuridhika kuwaongoza kufikia ukombozi mkamilifu.

⁴ Rafiki yangu mpendwa, kama wewe una kansa ama unaihofia, kumbuka kuna uponyaji uliotolewa na Mungu.

⁵ Hofu ya cho chote mara nyingi ndiyo sababu ya sisi kushikwa nacho, kama ni magonjwa au kitu kingine. Neno la Mungu linatwambia tusiogope wala kutua mawazo yetu juu ya vitu kama hivyo.

⁶ Hivi karibuni nilisoma katika gazeti la MAISHA nakala nzuri sana juu ya kansa. Huyo daktari wa madawa alisimulia jinsi watu wanavyoogopa kansa kuliko ugonjwa wa moyo na yabisi kavu, ambayo huuma zaidi. Maoni yake yalikuwa kwamba hofu ya kansa ilikuwa imewagubika Wamarekani sana kufikia kiwango ambacho ilichangia ukweli kwamba watu wengi wameambukizwa nayo. Wameshikwa na kiwewee bila kukusudia kufikia mahali ambapo waliathiri mfumo wao wa neva na kuathiri miili yao katika njia zingine.

⁷ Hakika kama daktari wa madawa anaweza kutoa hoja kwamba hofu ndicho kitu chenye nguvu sana nyuma ya kansa, basi sisi kama Wakristo tunapaswa kutambua zaidi sana ya kwamba hatupaswi KUOGOPÀ, bali kumsifu Bwana kwa ajili ya wema Wake na rehema na kuacha mioyo yetu itulie katika tumaini na upendo juu ya mambo mazuri ya Mungu.

⁸ Ninashiriki pamoja nanyi picha na shuhuda katika Mbio za Imani kuwasaidia kuona ufanisi wa mpango wa ukombozi wa Mungu kwa ajili yako.

⁹ Jisikie huru kuwaandikia watu hawa na kuulizia juu ya uponyaji wao. Watafurahi kukuandikia. Uchunguzi wa miaka mingapi wamejaliwa kuishi, na wala wasife, kutawatia moyo. Mpeni Mungu sifa kwa ajili ya kazi anayofanya kupitia mtumishi Wake, Ndugu Branham. Endapo unajua mtu ye yeyote ambaye ana ugonjwa huu, washuhudie na uwaambie juu ya mambo ambayo Mungu amefanya, na anayofanya, kwa wengine.

¹⁰ Ilikuwa ni miaka minne iliyopita ambapo, Ndugu Branham, akiongozwa na Roho Mtakatifu, aliingia kwenye hospitali ya mji huko Phoenix na kumwombea Wilma Baghy, aliyekuwa anakufa kwa kifua kikuu. Wilma Baghy yu hai na aliponywa na Nguvu za Mungu kurejesha uhai kwenye tishu zinazokufa. Lakini hii ilikuwa ni mwanzo tu wa baraka ambazo Mungu angemmiminia Wilma Baghy.

¹¹ Baadaye kidogo mumewe alishikwa na kansa ya tumbo na alikuwa katika hali mahututi. Baadaye kidogo maumivu katika ziwa lake yalionyesha kansa iliyosambaa juu ya mbavu zake na kote mwilini mwake. Kulikuwako, bila shaka, saa zenye giza sana kwa Wilma Baghy. Lakini hata hivyo bado adui alimshambulia kwa nguvu zaidi. Msichana wake mwenye umri wa miaka sita aliugua na muda si muda ilibidi apelekwe kwa ajili ya uchunguzi. Madaktari walisema, "Binti yako ana lukemia wala hawesi kuishi muda mrefu zaidi."

¹² Mama, baba, na binti wote wamenaswa na mwuaji huyu katili wa binadamu!

¹³ Halafu miaka miwili iliyopita Ndugu Branham alikuja Phoenix, naye Wilma Baghy, akiwa mgonjwa sana, alikuja mkutanoni na kusimama mbele zake kadi yake ya maombi ilipoitwa. Usiku huo Ndugu Branham alimwambia juu ya ugonjwa wake, na ule wa binti yake, na pia wa mumewe. Mungu alishusha baraka Zake kutoka mbinguni na wote watatu waliponywa.

¹⁴ Nilipata fursa muda mfupi tu uliopita kuzungumza na Wilma Baghy na maskini binti yake mdogo. Wote wawili walikuwa wamejaa afya naye akaniambia mumewe aliponywa kabisa pia. Mwandikie, atafurahia kukwambia

jinsi alivyokubali maombi ya nabii wa Mungu na akaponywa. Anwani yake ni—Bibi Wilma Baghy, 1407 South 21 Pl, Phoenix, Arizona.

¹⁵ Ifuatayo ni hadithi ya Hatie Waldrop, 1701 East Glendale Avenue, Phoenix, Arizona, kama alivyonisimulia—iliujaza moyo wangu na imani na ujasiri na ninataka kuishiriki hiyo pamoja nawe. Unapoisoma, italeta amani na uwepo wa ushindi moyoni mwako.

“Ninataka kukusalimia katika Jina la Bwana wetu na kukusimulia juu ya uponyaji wangu uliotukia miaka kumi iliyopita nilipokuwa nimelala nikifa juu ya machela kwenye mukutano wa Kasisi Branham. Jitihada hii ni kumsaidia mtu ye yote ambaye huenda anaugua kansa.

“Kwa muda wa miaka ishirini na sita, mara kwa mara, nilikuwa ninaumwa upande wangu wa kulia, juu kidogo tu ya nyonga. Katika mwaka wa 1957 nilianza kuwa na vipindi ambapo nisingeweza kula chakula wala kunywa maji. Hii baadaye ilihitilafiana na vipindi ambapo nisingeweza kuridhisha shauku yangu ya chakula na ningekula wakati wote.

“Siku moja niliona tangazo la daktari fulani mjini kwenye gazeti la kwetu ambaye angefanya uchunguzi kwa kupiga picha ya kutoka kichwa hata kwenye kidole cha mguu kwa gharama nafuu ya \$5.00. Mume wangu aliniomba niende kwake na labda ingesaidia kujua sababu ya ugonjwa wangu. Kwa hiyo Jumatatu nilifika kwenye ofisi ya daktari huyo kwa ajili ya kupigwa picha.

“Daktari hakufurahishwa na alichoona na akamwomba mume wangu aje kesho yake asubuhi na mapema. Tulikuja kesho yake asubuhi saa nne naye daktari akatwambia nilikuwa na uvimbe hatari wa utumbo mpana, naye alifikiri angeweza kunisaidia kwa matibabu sita. Tulikubali. Matibabu hayo yalikuwa ni ya kutiririsha maji moto, yakiwa kidogo zaidi ya joto la mwili kuitia kwenye utumbo wangu mpana kwa saa moja na wakati mwengine kwa muda mrefu zaidi.

“Kuelekea kwenye sehemu ya mwisho ya juma la pili nilizirai mezani na wakati daktari na nesi waliponizindua kwenye fahamu, niliuliza, “Je! nina kansa?” Daktari alijibu, “Naam, maskini mwanamke wee. Kwa nini ulingojea muda mrefu hivi kuja kupata usaidizi?”

“Daktari alipojua jambo hili alinipa Eksirei nyingine, nayo ilionyesha ya kwamba utumbo mpana

wa juu upande wangu wa kulia ulikuwa unaning'inia tu kama nyuzi. Aliomba kwamba nimchukue daktari mwingine aje akanichunguze bali nilikataa kwa kuwa nilihofu wangenipeleka hospitalini, na sikutaka kwenda. Ndipo akaniambia ya kwamba kulikuwako na madaktari mjini ambao wangeweza kunifanyia upasuaji na kuondoa utumbo wangu wa chini, bali ningekufa katika siku ishirini. Sikuwa na la kufanya isipokuwa kwenda nyumbani na kungojea . . .

"Niliendelea kuwa katika hali mbaya zaidi na zaidi na ilibidi ninywe dawa za kutuliza uchungu ambao ziliongezekwa kadiri siku zilivyoendelea. Lakini lo, Yesu ashukuriwe, na watakatifu walioomba pamoja nami na kuniombea katika siku hizo zenye giza na za uchungu! Jinsi walivyosimama karibu nami, na kukaa pamoja nami usiku, nilipokuwa nimevunjika moyo sana!

"Daktari aliongeza vidonge vya kutuliza maumivu mpaka moyo wangu ukaanza athari ya dawa hiyo kali ya kulevyia. Ndipo ilinibidi kumeza dawa za moyo kusudi mtu uweze kustahimili mzigo huo mkubwa wa sumu.

"Jumapili moja asubuhi dada katika Bwana alikuja kwenye nyumba yetu ndogo. Aliniita 'Ma,' kama vile wote walivyoniita kanisani. Alileta habari ya kwamba Ndugu Branham alikuwa akija mjini na akaniambia juu ya kipawa cha uponyaji alichokwuwa amepewa na Mungu, na jinsi alivyowaombea wagonjwa. Alisema, 'Anakuja Phoenix, Ma, nami ninajua utaponywa. Naomba ujitätahidi siku zingine kumi na moja mpaka atakapofika hapa.' Haya yalikuwa ndiyo maneno ya kusihii ya rafiki yangu. Daktari alikuwa amemwambia mume wangu ya kwamba shambulizi lingine baya lingekuwa ni la kufisha, na kwamba ajitayarische kwa ajili ya hilo. Nilikuwa ninajua jambo hili.

"Baada ya muda mrefu wa siku kumi na moja Ndugu Branham alianza mikutano yake kwenye kanisa la Ndugu Outlaw. Ibada ya kwanza ilikuwa tarehe 2 Marchi, 1947, na kanisa hilo dogo lilikuwa limejaa watu na kwa hiyo ilibidi wahamishe mkutano huu kwenda kufanyikia mahali pakubwa zaidi. Nilihudhuria mkutano huo Jumapili usiku lakini kulikuwako na watu wengi sana mbele yangu wa kuombewa sikufikiwa kuitwa. Kesho yake usiku lilikuwa ni jambo lile lile, lakini Ndugu Branham alisema angewaombea wagonjwa Jumanne asubuhi saa 4.

“Jumanne asubuhi na mapema nilikuwa nikipanga vitu fulani jikoni, ndipo sauti ikaniambia, ‘Oko maisha yako.’ Nikamwita dada aliyejekuwa amelala nasi usiku nami nikasema, ‘Inabidi tuharakishe,’ nasi tukaanza kukimbia kwenda kanisani. Katika hali yangu nisingeweza kukimbia mbali na Yesu alijua jambo hili, kwa kuwa tulipokuwa tukiondoka uwanjani ndugu mwingine na dada katika Bwana walikuja kwa gari lao na kutukimbiza kanisani.

“Kwenye kama saa 2:30 tulilingia kanisani na Ndugu Outlaw akanisalimia na kusema, ‘Nenda moja kwa moja mbele, dada Waldrop; ninataka uwe wa kwanza kuombewa asubuhi ya leo.’ Nikaharakisha mbele bila neno lingine. Nilipokuwa nimeketi pale bawabu alikuja na kuniuliza kama nilikuwa kipofu. Nikajibu la. Ndipo akasema ya kwamba anasikitika bali itanibidi kurudi safu nne nyuma kwa kuwa viti vya mbele vilikuwa ni vya vipofu peke yao. Alipokuwa akinena niliweza kuihisi hiyo kansa ikifingirika tumboni mwangu.

“Wakati huyo bawabu alipoondoka nilijaribu kusogea upande wa pili kuvuka marefu ya kanisa, bali nisingeweza. Alirudi akanikuta nikivuta pumzi kwa shida. Nikasema, ‘Nipeleke kwenye chumba cha nyuma.’ Akasema ‘Samahani, Dada, bali siwezi. Nikanong’oneza, ‘Nenda ukamwite Ndugu Outlaw,’ na nikamsukuma aondoke aende zake. Ndugu Outlaw na dada wengine walini jia na kusema, ‘Una wasiwasi tu, Dada Waldrop. Tutakuombea.’ Ndipo yule dada aliyejekuwa pamoja nami akaongea na kusema, ‘La huu si wasiwasi, bali ni mauti.’ Papo hapo Ndugu Hooper na Dada MacDaniel walikuja na kumwambia Ndugu Outlaw ya kwamba hali ilikuwa ni mbaya sana, na kwamba kama Ndugu Branham alikuwako ni afadhali wamwite upesi. Ndugu Outlaw aliita mtu fulani alete machela, na mtu mwingine akakimbia kwenye chumba cha nyuma kumwita Ndugu Branham. Nilisikia yale yaliyokuwa yakiendelea bali nisingeweza kuzungumza, na giza lilikuwa likizidi na kuzidi. Ndugu Branham aliringia haraka na akaenda kwenye maikrofoni na kumwambia kila mtu awe na kicho sana kwa kuwa dada fulani alikuwa akifa kwa kansa. Ndipo Ndugu Branham akanigeukia akasema, ‘Ningalie, Dada,’ maneno Yake yalikuwa kwangu ni ya kuninong’oneza kwa chini bali aliendelea kuyasema mpaka giza kuu likaondoka. Ndipo akanjuliza kama ninaamini ya kwamba malaika

alikuwa amemjia. Nisingeweza kuongea bali alijisikia ya kwamba nilimwamini. Ndipo akasema, ‘Mshukuru Bwana, Dada, imani yako imekuokoa!’

“Mara ya kwanza alipoomba sikuhihi kitu, ndipo akaomba tena na alipofanya hivyo, hisia ya vuguvugu la joto ilipitia juu yangu, ikianzia kichwani mwangu na ikasambaa nje na ndani, na ilipofanya hivyo maumivu yote yakaondoka mwilini mwangu. Nikatoka kwenye kile kitanda kidogo. Ndugu Branham akaniambia ya kwamba katika saa 72 ningekuwa mgonjwa sana na kuteseka sana wakati kansa ikiondoka mwilini mwangu. Akasema ilikuwa imekuifa, kila mzizi! Aliniambia pia nitumie mlo wa majimaji kama vile daktari alivyokuwa ameshauri, pia Yesu angenijulisha wakati gani wa kula vyakula vigumu. Alisema kipande cha chakula kigumu kingeniu.

“Kwa saa 72 niliteseka kwa maumivu hata ningekauka kwa machozi. Ningesaribu kumwita mume wangu aliyekuwa amelala, lakini maumivu yalikuwa ni makali mno nisingeweza kuzungumza. Kwa hiyo nikatambaa kwenda kwake apate kuniombea nipate nguvu za kustahimili uchungu huo. Ndipo maumivu hayo yangekoma kwa muda wa saa chache nami ningeweza kupumzika. Jambo hili liliendelea kwa kipindi cha majuma manne hadi sita, bali maumivu yalikuwa yakipungua wakati wote.

“Hatimaye nilimpigia dakatari simu na kumwuliza kama angeweza kunifanyia tumbo langu eksa-rei naye akasema angeweza. Eksa-rei hiyo ilionyesha utumbo wangu mpana na kila kitu kilikuwa jinsi tu vile kinavyopaswa kuwa—katika mfumo mkamilifu. Moyo wangu, ulikuwa umevimba kutokana na sumu hiyo yote, ulikuwa ni wa kawaida, na mawe yaliyokuwa kwenye ini langu na makubwa kama ukucha wangu wa kidole, yalikuwa hayako.

“Usiku huo kwa chakula cha usiku nilikula maharagwe ya pinto, kitunguu, achali, nyama choma, na maji ya tofaa. Ilikuwa kesho yake niangalie zile eksrei, bali Yesu aliniambia ya kwamba ningeweza kula na kweli nilikula. Haya yote yalitokea miaka kumi iliyopita, na leo kila kitu kimeponywa kikamilifu.

“Kama una kansa na umeombewa na maumivu yangali yanaendelea, endelea tu kumsifu Bwana kwa uponyaji wako. Ibilisi atajaribu kukunyang’anya uponyaji wako, bali endelea kumsifu Yesu na kuangalia juu.

“Baada ya Ndugu Branham kuniombea tangu wakati huo sijapata kulazwa kitandani, wala sijakosa kuhudhuria mukutano kamwe.

“Katika kipindi cha wakati wa kuponywa kwangu, mjukuu wangu wa kiume wa miaka sita pia aliombewa na kuponywa tezi iliyokuwa ndani ya koo lake. Leo Marvin ana umri wa miaka 16 na amepona kabisa.

“Kama unamwamini Mungu kwa ajili ya kuponywa kwako, ninakukaribisha uniandikie nami nitafurahi kukutia moyo kwa njia yo yote niwezayo.”

* * *

¹⁶ Ufuatao ni ushuhuda wa Kasisi Laura Walker, Hessel, Michigan:

“Miaka sita iliyopita nilikuwa nikifa kwa kansa ya matumbo. Matumbo hayakuwa na kuhisi ko kote na yalionekana hayana uhai. Wakati mwingine hata sehemu ya chini ya tumbo ilisikika kama jiwe na ilikuwa ni baridi, ndani na nje. Kujisaidia kulikuwa tu kwa njia ya enema. Kuvimba sana na mateso kulikuwa kubaya sana hata enema kadhaa zilihitajika kwa ajili ya kujisaidia.

“Mwezi wa Agosti mwaka wa 1951, Ndugu Branham alikuwa akifanya mukutano huko Erie, Pennsylvania. Bwana alinena nami na kusema, ‘Nenda kwenye mukutano huo Nami nitakuponya.’ Tulishi Port Huron, Michigan, wakati huo, ambako kulikuwa umbali wa maili mia kadhaa. Ilionekana karibu haiwezekani kwa mimi kwenda, bali Bwana alifanya njia na kunipa nguvu za kwenda.

“Kwenye wakati huu Ndugu Branham alikuwa akitumia ishara mkononi mwake. Aliniambia nilikuwa na kansa, kisha akaniombea. Ndipo akanigeukia na kusema, ‘Binti, imani yako imekuponya.’ Wakati huo sikuhisi badiliko lo lote maalum bali saa moja baadaye nilisikia kitu fulani ndani yangu kimelegea na kuanguka. Tangu siku hiyo mpaka leo nimekuwa mzima kabisa. Bwana na Mwokozi wangu wa ajabu na asifiwe, Yesu Kristo.

“Marejeo mengi yanawenza kutolewa kuhusu uponyaji wangu.”

INGEWEZA KUWA NI WEWE

¹⁷ Je! umepata kujifikiria wewe mwenyewe kama mtumishi wa Mungu—ama ukawa na hamu ya kuwa mzee wa kanisa na kuweka mikono juu ya wagonjwa—ama ulikuwa na shauku kubwa moyoni mwako kuhubiri Neno la Bwana? Labda leo una shauku ya kumfanyia Bwana wako unayemtumikia jambo fulani. Huenda usiipeleke injili katika mataifa ama kuwa na maombi ya imani ya kuwakomboa watu kifungoni. Huenda usiwe mtu aliyekirimwi kipawa, ama hata kudhihirisha karama ya kiroho kama ya kuponya, ama miujiza, ama unabii. Bali kuna jambo fulani UNALOWEZA kufanya, na Mungu amekuagiza kufanya hivyo. Labda umelipuuza, lakini hili hapa agizo kwa ajili ya kila mmoja wenu katika Neno la Mungu.

¹⁸ Ingewezekana kuwa wewe ndiwe ungekuwa malaika wa rehema kwa nafsi iliyopotea—ingewezekana kuwa ni wewe uliyeleta habari njema ya za furaha kuu. Ungeweza kuwa ni mtu muhimu katika maisha ya mtu mwingine ambayo yange kuwa ni baraka kuu sana kitabu cho chote kingaliweza kurekodi.

¹⁹ Hebu mimi katika dakika chache zifuatazo niwaambie hadithi ya kweli ya mtu kama huyo—malaika wa rehema. Hii ingeweza kuwa ni wewe...katika wajibu ulio mhimu sana maishani mwako...ukiwa shahidi Wake na kutangaza habari njema.

²⁰ Hadithi yetu inaanza na Bibi Eckenburg: amemuaga mumewe na amepanda basi. Mumewe hawezi kuambatana naye kwenye safari hii kwa kuwa ingehitaji muda mrefu sana kwake kuomba ruhusa kutoka kazini mwake, na kungeongezeka gharama ambazo wasingeweza kumudu. Bw. na Bibi Eckenburg ni mke na mume wenye umri wa miaka 50—wana nyumba ya kawaida, na maisha rahisi kwa kuwa haya ndiyo mapato yao yanaweza kumudu—bali wamekuwa na wakati mzuri sana wa maisha pamoja kwa na wamefurahia mambo mengi pamoja kwa miaka mingi. Hao ni watu wa kawaida ambao inawabidi kufanya kazi wapate kumudu maisha; mara nyingi imekuwa ni vigumu, wakati mwingine rahisi kidogo.

²¹ Sasa basi lilikuwa linamchukua kumpeleka mahali asiko jua, ama kutarajia. Ilikuwa ni muda mfupi baada ya ugonjwa wake wa kwanza aliotibiwa kwenye Chuo Kikuu cha Stanford huko San Francisco. Hapa ndipo katika mwezi wa June 1955 alifanyika mgonjwa wa majaribio. Bw. na Bibi Eckenburg walichagua chuo kikuu hiki kwa kuwa wasingeweza kugharimia gharama za matibabu mengine wala madaktari. Hapa matibabu yote yalikuwa ni bure kwa fukara, na madaktari walio bora sana wangemtibu. Aliandikishwa kama mgonjwa wa majaribio. Hii ilimaanisha ulipata nafuu huku nao wakijifunza, na kama sivyo...vema...Ukiwa na pesa kidogo hili lilikuwa ndilo chaguo bora kabisa—na tumaini lao pekee.

²² Hili ilikuwa ni jaribio lake la tatu kwenda kutibiwa. Kusingekuwako na kufanyiwa upasuaji kwa matibabu haya kwa kuwa madaktari walikuwa tayari wamemwambia hiyo kansa ilikuwa imepenyeza ndani sana, na ilikuwa imeshika ini na sehemu nyingine za mwili wake. Wakati walipotaka kumfanyia upasuaji hapo nyuma mapema kwa namna fulani aliweza kusema “La.” Hakutaka jambo hilo. Na kwa hiyo miadi yake ya pili ilikuwa ni Januari muda mfupi baada ya siku chache za kwanza za mwaka mpya kupita. Bibi Eckenburg alifutilia mbali miadi hii kwa sababu isiyojulikana, na wakati miadi yake ya tatu ilipofanywa alianza kuitimiza kwa kuwa maumivu aliyosikia mwilini mwake na kukua kwa haraka kwa kansa hakukumwachia njia nyingine.

²³ Alichukua kwa ajili ya miadi hiyo sanduku dogo la mahitaji ya usiku ambalo alilichunguza sana hadi kwenye kituo cha basi cha San Francisco. Alikuwa na tikiti yake na pesa kidogo zilizosalia kwenye pochi yake. Alikuwa amemwambia mume wake angehitaji pesa kidogo tu kwa kuwa ilikuwa ni safari ya kwenda moja kwa moja hadi kwenye kituo cha basi, na kutoka hapo aende hadi kwenye hicho chuo kikuu. Mume wake aliokuwa amchukue na gari la familia hospitalini wakati wo wote atakaporuhusiwa kuondoka. Ilikuwa tarehe 18 Oktoba na kesho yake ilikuwa ni siku ambayo madaktari wangeanza ule uchunguzi. Kile ambacho wangefanya, na kile ambacho familia ingefanya endapo angekufa kilipitia mawazoni mwake—kikiendelea na kuendelea kufuatilia mawazo yake. Pia aliwazia juu ya Mungu, bali kwa kuwa hakuwa mwanamke wa kiroho, wala hata hakuwa amezaliwa mara ya pili, mawazo haya hayakuungia ndani sana. Bali kwa ajili ya uongozi wa Kikristo aliamua kwenda pamoja na kitabu chake kidogo cha Umoja. Hiki angekisoma bila utaratibu maalum wakati mawazo ya siku zake za usoni yalipomsukuma sana.

²⁴ Ilikuwa ni asubuhi na mapema ya tarehe 19 Oktoba ambapo basi liliingia Oakland, California, kwa kutua kwa dakika kumi kabla ya kuelekea San Francisco upande wa pili tu wa ile ghuba. Basi liliposimama wasafiri wote walitoka, bali Bibi Eckenburg, akiwa amechoka kutoptana na safari yake, alibaki kwenye kiti chake. Karibuni atakuwa amefika San Francisco, alijua atashukia huko. Alipokuwa ameketi pale Bibi Eckenburg alisikia sauti ikiongea naye na kusema, “Nenda barabarani ukatembee,” kwa mkazo mkubwa hivi kwamba alitii mara moja. Alipokuwa akitembea vivi hivi bila lengo alisikia sauti hiyo ikiendelea, ikitisema, “Simama kwenye Barabara ya 14.” Kwenye Barabara ya 14 nguvu zake zilimwishingia naye akapumzika kirefu vya kutosha ambapo aliona mkahawa upande wa pili wa barabara. Akaingia kwenye Mkahawa wa Foster na akanywa kikombe cha kahawa, na baada ya dakika chache akatoka kwenda

kutembea mtaani tena. Alipotembea umbali mfupi mara alichoka tena na akajiegemeza kwenye ukuta wa jengo fulani apate kupumzika. Hapo ndipo ambapo macho yake yalipomwona bibi fulani aliyejekwa ameketi kwenye benchi la basi akingojea basi la mjini lige. Alisimama kidogo kisha akaamua kwenda kwenye lile benchi na kuketi chini. Alipoketi chini aliona bibi yule aliyejekwa karibu yake alikuwa akisoma kitabu fulani. Wazo likamjia ya kwamba ye ye naye angesoma kile kitabu chake kidogo cha Umoja apate faraja. Jukwaa letu ni rahisi sana kuweza kudanganya—bibi wawili tu wameketi kwenye benchi la basi wakisoma vitabu. Walikuwa hawafahamiani kabisa—bali si kwa muda mrefu.

²⁵ Mungu alikuwa amemwongoza Bibi Eckenburg kwa Malaika wa Rehema aliyejekwa na taarifa ya habari njema. Alikuwa amemwongoza kutoka kwenye kituo cha basi, na sasa alikuwa amemfanya aketi chini karibu na mwanamke mwingine aliyejekwa amemchagua kumletea “habari njema,” habari za injili, na kumhifadhi. Punde si punde walikuwa wameanza mazungumzo. Walibadilishana mawazo kidogo na mara Bibi Eckenburg akajikuta akimwelezea mgeni huyu asiyemjua kabisa habari za ugonjwa wake na alikokuwa anaenda. Huyo Mwanamke akasema, “Hebu angalia kitabu hiki ninachosoma, ‘Mtu Aliyetumwa Kutoka kwa Mungu’—mtu huyu yuko hapa Oakland na anaanza mikutano yake usiku wa leo. Atakuombea. Wengi wanaponywa kansa.”

²⁶ Bibi Eckenburg alimwangalia mwanamke huyo kwa mshangao kwa kitambo kidogo akiwa hajui awazie nini. Hakuwa amewazia habari za Mungu kuponya siku hizi, ama mambo kama hayo kutendeka. Rafiki yake asiyemfahamu sana alikatiza mawazo yake kwa taarifa nydingi za kusisimua za rehema na uponyaji wa Mungu siku hizi kwa wanadamu wanaoteseka. Bibi Eckenburg hajawahi kusikia maneno kama hayo ya kutia moyo nayo yalileta amani moyoni mwake, naye alifarijiwa na kutiwa moyo pia. Hata siku moja hajawahi kumsikia mtu ye yote akizungumza namna hii, na kuhusu mambo makubwa na ya ajabu namna hii!

²⁷ Tena mawazo yake yalikatizwa na mwaliko wa moja kwa moja kutoka kwa mwanamke huyo akisema, “Njoo chumbani kwangu ukapumzike, jioni hii nitakupeleka kwenye mkutano huo. Nina chumba ukivuka tu upande wa pili wa barabara.” Bibi Eckenburg na bibi huyo walivuka barabara na kuingia hotelini, ndipo bibi huyo akamlipia chumba kimoja upande wa pili wa sebule kutoka kwenye chumba chake. Walipokwisha kuchukua chumba hicho na wametulia, Bibi Eckenburg aliamua kupumzika kidogo ndipo akaenda chumbani kwake akajilaze. Alianza kuwazia yale yule mwanamke aliyokuwa amemwambia, na kwa mara ya kwanza maishani mwake Bibi

Eckenburg akaingia katika roho ya maombi, naye aliomba, na kuomba, mpaka amani asiyowahi kujua ikaingia moyoni mwake. Alitumia alasiri hiyo katika maombi na machonzi, na katika ushirika na rafiki yake mgeni aliyempata.

²⁸ Wakati ulipowadia wa mukutano kuanza rafiki yake alimpeleka mahali pa mukutano huko kwenye Ukumbi wa Mikutano wa mjini Oakland. Alipowasili, rafiki yake alimsaidia kupata kitu na akajihu kumjali kiutu wema. Punde si punde, Billy Paul Branham alimwuliza kama alihitaji kadi ya maombi. Akasema, "Ndiyo," na akamshukuru. Mara ibada ikaanza na yalikuwa ni mahubiri ambayo Bibi Eckenburg hakuwa amewahii kusikia maishani mwake; yalimwacha akilia na kujazwa na uchaji. Hakuwa amewahii kutendewa mema jinsi hiyo kama aliviyotendewa leo, wala hakuwa amepata kusikia mambo haya ya ajabu. Na sasa kadi yake ya maombi iliitwa naye alikuwa asimame mbele ya mtu huyu wa Mungu. Wakati wale wengine 14 walipokuwa wakiombewa mbele yake, na wengine kuitwa kutoka kwa wasikilizaji, alijua ya kwamba mtu huyu angemwambia majibu yake ambayo ye ye na madaktari hawakuwa nayo.

²⁹ Katika muda mchache Rose Eckenburg alisimama mbele ya Kasisi Branham. Alimwambia alikuwa amefunikwa na kivuli cha mauti, na alikuwa na kansa ya ini, na akamwuliza kama angeamini Mungu angemponya kama atamwombea. Jibu lake lilikuwa ni "Ndiyo" naye akaangua kilio.

³⁰ Kesho yake, tarehe 20 mwezi wa Oktoba, mwaka wa 1956, saa 1 asubuhi, Rose Eckenburg alijisaidia katika haja kubwa vipande vikubwa vya nyama zilizooza na damu iliyokuwa imeambukizwa vibaya. Juma liliflouata, tarehe 24, Mwezi wa Oktoba, mwaka wa 1956 saa 5 mchana alienda haja kubwa kivimbe kikubwa kigumu na uchafu mwangi zaidi, vikifuatwa na kutokwa na damu kwa kawaida ambako kulisafisha uchafu na harufu mbaya katika damu yake.

³¹ Enyi marafiki, Rose Eckenbergh yu hai leo na ni mwongofu halisi kwa Bwana. Kweli ni baraka za Mungu, bali kumbuka mahali ambapo ilianzia kwa Rose Eckenburg—kwenye bench la basi ambapo alikutana na mjudi na shahidi wa habari njema za injili.

³² Katika jiji la watu milioni tano, Mungu alimwongoza kwa mtu mgeni kabisa. Huyu angeweza kuwa ni wewe, ewe rafiki mpendwa, wakati mwengine utakapokuwa peke yako kwenye benchi la basi, ama katika gari lako, ama barabarani, ama katika mgahawa. Po pote pale iwapo, unaweza kuwa na maneno moyoni mwako na mdomoni mwako ambayo yanaweza kuleta uhai kwa wanadamu wanaokufa, wasio na matumaini, wanaohangaika. Tangu sasa kumbuka kushuhudia, na yule Malaika wa Rehema... angeweza kuwa ni wewe.

YULE MSHINDI MKUU

³³ Usiku wa leo ninapenda kusoma kutoka katika kitabu cha Ufunuo wa Bwana Yesu, katika mlango wa 6, vifungu viwili vyia kwanza: “Kisha nikaona hapo Mwana-Kondoo alipofungua moja ya zile muhuri saba, nikasikia mmoja wa wale wenye uhai wanenye akisema, kama kwa sauti ya ngurumo. Njoo! Nikaona, na tazama, farasi mweupe; naye akatoka, ali akishinda tena apate kushinda.” Somo langu kwa dakika chache usiku wa leo litakuwa yule Mshindi Mkuu.

³⁴ Ninaamini kwa moyo wangu wote ya kwamba unyakuo utatukia kabla ya ile dhiki kuu. Sasa kuna waalimu wengi ambao hawatakubaliana na jambo hilo, bali mimi sina elimu na ninasoma tu Biblia katika mifano mara nyingi, na jinsi ambavyo mifano ilivyo vivuli. Na kama tukifahamu kivuli cha kitu cho chote basi tuna wazo la jumla la sura ya kitu chenyewe lilivyo. Kama vile ile gharika katika siku za Nuhu; hakuna hata tone moja la maji lilikuwa limenyesha mpaka Nuhu, na wote wale ambao wangeokolewa katika gharika hiyo, walipokuwa ndani ya safina na mlango ukafungwa. Na tunaona ya kwamba kabla bonge la mwali mmoja wa moto kuruhusiwa kuanguka juu ya Sodoma na Gomorrah kutoka mbinguni Lutu ilibidi Lutu aondoke kwenye mji huo na awe huru na hukumu ijayo juu ya miji hii—kwa kuwa hakimu mwenye haki asingewahukumu wenyе haki pamoja na waou kwa maana mwamini tayari amehukumiwa wakati Kristo alipohukumiwa mahali pake. Kwa hiyo isinge kuwa haki kwamba Mungu Mtakatifu angemhukumu mmoja wetu tena baada ya Yeye kukubali tayari hukumu yetu katika Kristo.

³⁵ Sasa na tuingilie somo letu la yule Mshindi Mkuu. Mwanadamu anapenda kushinda na ni jambo kuu kushinda. Mshindi ni mtu ambaye amemshinda adui yake—hiyo ndio sababu, ninaamini, maandiko yanasema “Sisi ni zaidi ya washindi” kwa kuwa Yeye ametushindia. Na wanadamu katika nyakati hizi kuu, wakati wanaposonga mbele na kushinda, mara nyingi wanakuwa na sherehe kubwa baadaye.

³⁶ Tunaambiwa ya kwamba wakati marehemu kiongozi wa Ujerumani, Adolf Hitler, alipoishinda Ufaransa, aliketi kitini kwenye ule Mnara wa Ushindi na kuangalia jeshi lake kuu likipita, vifaru vyake vilipitia pale, na ndege zake zilinguruma huko juu mpaka zikafunika anga. Lakini... haukudumu kwa maana kama mtu atakuwa ni mshindi malengo yake hayana budi kuwa ni ya haki, na makusudi yake hayana budi kuwa ni ya haki—na kama hutacheza mchezo huo kwa haki utashindwa, hata uwe u mshindi wa jinsi gani. Huna budi kuwa mwaminifu upate kuwa mshindi, hakuna mdanganyifu anayeshinda mchezo. Bali Hitler hakufuata masharti, alitaka mamlaka yote

yawe juu yake, utukufu wote uwe juu yake. Kwa hiyo alikosea katika malengo yake—na mtu ye yote mwenye nia na njia kama hizo za Hitler ataishia jinsi yeye alivyoishia.

³⁷ Tunaambiwa ya kwamba yule Konstantino mkuu alipokuwa akienda zake huko Roma aliota ndoto kabla tu ya vita kuanza. Alikuwa amefadhaiika usiku huo kabla hajaenda kulala kuhusu matokeo ya vita alivyokusudia kupigana asubuhi. Usiku huo aliota ndoto ya msalaba mweupe, ndipo sauti ikasema, "Kwa huu utashinda." Kwa hiyo aliwaamsha askari wenzake usiku nao wakachora kwa rangi msalaba mweupe kwenye ngao zao, naye kweli alishinda.

³⁸ Sasa ninawazia juu ya mtu mwingine; miaka michache iliyopita nilisimama huko Waterloo, Ubelgiji ambako mtu aliyeitwa Napoleon alikutana na kushindwa kwake katika damu na aibu. Nilipokuwa nimesimama pale mtu fulani alinipa kitabu kidogo, nami nikaanza kusoma historia ya mtu huyu mashuhuri. Alianza kama shujaa mkuu, naye alikuwa ameushinda ulimwengu mzima kwenye umri wa miaka 33, bali yeye pia alikuwa na malengo mabaya... alitaka ajilimbikizie mamlaka, na alitaka kila mtu amwogope. Kwenye umri wa miaka 33 ulimwengu mzima ultetemeka kwa wazo la Napoleon—alikuwa ni mtu mbaya, mwuaji. Alianza kama mtu asiyekunywa pombe bali akafa mlevi sugu. Huwezi kushinda kwa uovu. Kweli tu ndiyo itakayoshinda.

³⁹ Kamwe hutashinda kwa kujenga madhehebu moja juu ya mengine—utashinda tu utakapoachilia yote, na umwache Roho Mtakatifu aingie ndani ya mwili wote wa Kristo. Kamwe hatutashinda kwa nia za kichoyo. Mungu anachukia dhambi, Naye hatairuhusu kupata ushindi juu ya mabaya. Napoleon alikufa akiwa na umri wa miaka 33 kama mshindi wa dunia, na dhambi ilikuwa imemshinda—bali loo kulikuwako na mtu mwingine aliyekufa kwenye umri wa miaka 33 aliyeshinda ulimwengu, na kushinda Kuzimu, na kushinda mauti, na akashinda kila adui wa jamii ya binadamu. Huyo alikuwa ni Bwana wetu Yesu aliyejaa neema, Mshindi Mwenye Nguvu. Hakuja kushinda kwa ajili Yake Mwenyewe—kusudi Lake lilikuwa ni kutimiza mapenzi ya Mungu ambaye alimtuma. Hakupigana kwa ajili Yake, alijitoa Mwenyewe. Hapo msalabani Yeye alisema, "Ningeweza kuzungumza na Baba Yangu na mara moja angenitumia majeshi ya malaika." Bali Yeye alikuja kushinda kwa ajili ya jamii ya Adamu iliyoanguka, naye alimshinda kila adui wa jamii iliyoanguka ya Adamu, nao waliwekwa chini ya miguu Yake.

⁴⁰ Ninaweza kumwona Mshindi Mwenye Nguvu, Bwana wetu, wakati Yeye alipokuwa hapa aliposimama karibu na mtu aliyekuwa amefungwa kwa minyororo na kwa nguvu za pepo. Hakuna jeshi lingaliweza kumshika kwa ajili ya

nguvu zake, na mara nyingi aliikata minyororo hiyo vipande vipande. Hakuna mtu angaliweza kumshinda, na pepo wachafu walimfukuzia mbali toka mionganoni mwa binadamu, naye alifanya makazi yake huko nje makaburini, na ye yote aliyepita karibu naye angewatiisha. Lakini siku moja alikuja mtu mmoja mdogo barabarani—Biblia ilisema “Hakuwa na uzuri hata tumtamani”—ndipo huyu pepo akawazia, “Huu ndio wakati ambao nitamshinda yule jamaa mdogo”—nao wakampagaa mtu huyo, na haoo wakatoka kwenda moja kwa moja barabarani kukabiliana Naye. Na walipomkimbilia wapate kumtiisha, Yeye aliinua macho Yake nao wakabadilisha njama yao. Badala ya wao kujaribu kumseta walisema, “Ewe mtakatifu wa Mungu, mbona unakuja kututesa kabla wakati haujawadia?” Walijua walikuwa wamekutana na mshindani wao—yule Mshindi mkuu Mwenye Nguvu wa mbinguni akiwa amesimama hapo. Hakuwa mkubwa kimwili vyta kutosha kukata minyororo, hakuwa na uwezo wa kimwili wa kutosha kumshika mtu aliyekuwa amepagawa na pepo, bali ndani Yake mlikuwamo na nguvu za Mwenyezi Mungu ambaye ilibidi pepo wamsujudu. Naye alimshinda adui huyu ili kwamba jamii ya Adamu siku zijazo ambayo imefungwa na pepo kama huyo, iwe na majaliwa ya kuchukua jina la Mshindi huyu mkuu Mwenye Nguvu na kumtupa nje.

⁴¹ Ninaweza kumwona, Mshindi wetu Mwenye Nguvu, anapoingia chumbani mwa mama mkwe wa Petro, amelala ni mgonjwa wa homa—Yeye hasemi neno, Yeye anaenda tu na kugusa mkono wake na ugonjwa ulishindwa. Alishinda ugonjwa kwa ajili ya jamii ya Adamu. Siku moja wakati rafiki Wake msiri alikuwa amekufa naye alikuwa kwenye safari ya umbali wa siku nne, panapo wakati amefika pale mabuu ya ngozi yalikuwa yakitambaa mwilini mwake, na ule mkono aliokuwa amesalimiana nao, na mabega aliyokuwa amekumbatia sasa yalikuwa yametiishwa na uharibifu na mauti. Ninaweza kumwona amesimama karibu na Lazaro, macho Yake yamejaa machozi alipokuwa akitamka, “Lazaro, njoo huku,” ndipo uharibifu ukamrudisha mateka wake, na mauti yakaichilia nafsi ya mtu huyo, kwa kuwa Mshindi Mwenye Nguvu alikuwa amenena. Jambo hili aliweza kulifanya kwa ajili ya watoto wote wa Adamu. Nina furaha sana kwamba pia Yeye ni rafiki yangu, kwa kuwa wakati mwingine, Yesu akikawia, hivyo ndivyo sisi sote tutakavyolala.

⁴² Usiku mmoja wakati alipokuwa akivuka bahari, dhoruba zenye nguvu za duniani ziliasi. Yeye alikuwa amepumzika nyuma ya mashua ndogo wakati upopo ulikuwa mkali sana na kuitibua bahari kwa nguvu sana. Mara mashua hiyo ndogo ikaanza kujaa maji mengi na wanafunzi wakahofu sana nao wakafanya hima kwenda kumwamsha. Alipoamka aliwakemea akisema, “Enyi wenye imani haba— iko wapi imani yenu?”

Kwa maneno mengine, “Mmeniona nikifanya mambo haya yote siku baada ya siku: mmeona mwenda wazimu akikombolewa na kuwekwa huru, mmeona homa ikimwacha mama mkwe wako, mmeona wafu wakifufuliwa! iko wapi imani yenu?” Ndipo akaweka mguu Wake juu ya demani ya mashua na kuangalia juu na kusema, “Amani, tulia.” Ndipo mawimbi yote yakatulia kama mtoto mchanga mikononi mwa mama yake. Upepo na mawimbi vikamtíi.

⁴³ Upande mwingine wa lile ziwa walikokuwa wakienda, paliishi maskini mwanamke ambaye alikuwa ametumia pesa zake zote apate kuponywa, na angali alikuwa ni mgonjwa wa kutokwa na damu. Madaktari waliochukua pesa zake walikuwa wamejaribu sana na kwa uaminifu kumsaidia, bali walifanya yote waliyoweza na bado damu iliendela kutoka. Alimsikia Yesu kuwa alikuwa anakuja kwenye mitaa hiyo basi akaondoka kuelekea pwani ya bahari—akajisukumiza kuingia kwenye umati mpaka nguvu zake zikamwishia. Lakini imani yake ilikuwa imewekwa kwenye kugusa tu upinde wa vazi Lake, na jambo hili akalifanya. Alipomgusa Mshindi Mwenye Nguvu huo ugonjwa uliokuwa umekaidi dawa za madaktari wa madawa ultii mapenzi ya Mshindi Mwenye Nguvu na ndipo huko kutokwa na damu kukakoma.

⁴⁴ Unakumbuka wakati mauti yalipoipiga nyumba ya Yairo? Msichana wake mdogo mwenye umri wa miaka kumi na miwili alikuwa ni mgonjwa sana, nao wakaja kumsihi Yesu aje; bali wakati alipokuwa akikaribia nyumbani kwa Yairo wajumbe walikutana nao wakisema, “Msimsumbue Bwana kwa maana huyo binti amekwisha kufa.” Yote yamekwisha sasa—hivyo ndivyo tunavyokuwa wakati mwingine—tunafikiri hakuna tumaini. Bali Yeye angali ni Mshindi Mwenye Nguvu—wakati matumaini yote yamekwisha Yeye yungali ni yeye yule. Hakika, walifikiri yote yalikuwa yamekwisha, bali macho ya thamani ya Bwana wetu yalimgeukia Yairo na kusema, “Usihofu, amini tu, nawe utauona utukufu wa Bwana.”

⁴⁵ Ndipo Yesu akaingia kwenye chumba hicho cha maiti ambamo mwisho wa wakati ndio tu ungeweza kufunua matokeo ya binti mdogo wa Yairo. Lakini je! unatambua ya kwamba aliye Mwanzo na Mwisho alikuwa amesimama karibu naye? Ndipo akamshika mkono na kusema, “Msichana, amka,” na kifo kikashindwa, naye akasimama kwa miguu yake na akaishi. Adui mkubwa sana mwanadamu aliyepata kuwa naye alikuwa ni mauti—kwa watu wote—Naye akaenda Kalvari siku moja na hapo msalabani alichukua—wakati mmoja, kwa ajili ya wote—ushindi kwa ajili ya wanadamu wote; alimshinda adui mkubwa kuliko wote mwanadamu alipata kuwa naye—alishinda mauti—kwa ajili yetu sote. Ndipo wakati alipokufa hilo halikumaliza jambo hilo, bado ilimpasa kuendelea kuwa Mshindi Mwenye Nguvu, kwa

hiyo Biblia ilisema alienda na akawahubiri nafsi waliokuwa kifungoni, wale waliokuwa wamekataa ujumbe wa Henoko, na wa Nuhu, na wale waliokuwa Sodoma, na hao waliokuwa wamewakataa manabii. Aliwashuhudia ya kwamba Yeye alikuwa ndiye jibu la ujumbe wa kila nabii, Mshindi Mwenye Nguvu, bali walikuwa wamepita kati ya mauti na uzima, walivuka mstari wa utengano, wala hapakuwapo na tumaini kwa. Alishuka akaingia katika makao ya ibilisi—pepo—Naye akawatawanya, na moja kwa moja akashuka akaenda mpaka kwenye shimo la kuzimu yenyewe giza nene sana, akiwa yungali anaishi ingawa mwili Wake ulikuwa umetulia msalabani. Alikuwa angali ni yule Mshindi Mwenye Nguvu, na baada ya miaka 1900 kupita angali ni Mshindi Mwenye Nguvu, na atakuwa Mshindi Mwenye Nguvu milele. Wakati alipofika kwenye milango yenyewe ya kuzimu (tutatumia tamthilia ndogo hapa) ninaweza kumwona ibilisi akitoka na kusema, “Kwa hiyo hatimaye nimecupata—kwa hiyo hatimaye umefika! Nilijaribu daima kuangamiza uzao huo. Nilidhani nilikupata nilipomwangamiza Habili; na nilikuwa nina hakika nilikupata wakati nilipowaangamiza manabii; na wakati nilipompata Yohana kukatwa kichwa nilikuwa nina hakika nilikupata. Lakini SASA umefika, uko katika milki yangu, na uko chini ya mamlaka yangu, na uko katika amri yangu, kwa maana Wewe ulikufa kama mwenye dhambi.” Loo ninaweza kumsikia Yesu akisema, “Shetani, Mimi ni mwana wa Mungu aliyezaliwa na bikira, damu yangu ingali uji nbucgu msalabani, nimetimiza kila hitaji la haki kwa ajili ya jamii ya Adamu iliyoanguka, nami nimeshuka kuja hapa nipate kushinda, na kuchukua mamlaka!” Akamshika ibilisi, akanyakua funguo za mauti na kuzimu, akazining’iniza ubavuni Mwake, kisha akampiga teke ibilisi kumwingiza ndani ya mashimo yake! Angali ni Mshindi Mwenye Nguvu!

⁴⁶ Akaanza kurudi duniani, ameshinda kifo na kuzimu, kupata ushindi juu ya kaburi. Lakini wakati alipokuwa akipanda kwenye zile njia kuu alisikia nyimbo fulani zikiimbwa, ndipo akajua alikuwa anakaribia malango ya Peponi ambako wale waliousikia ujumbe wa Nuhu, na wale waliousikia ujumbe wa manabii walikuwa wakingoja, kwa kuwa wasingeweza kupaa juu, kulikuwa na ukungu wa dhambi ukining’inia juu ya nchi, nayo damu ya mafahali na mbuzi na kondoo hazingeweza kuwapatanisha wanadamu. Kwa hiyo waliwekwa mahali palipoitwa Paradiso Kulikuwako na ukungu wa dhambi juu ya nchi nao wasingeweza kupaa juu—ila tu Yeye aliyekuwa ameshuka.

⁴⁷ Yeye anaenda kwenye mlango wa Paradiso na kubisha kidogo juu yake. Baba Ibrahimu anafungua mlango na anasimama amepigwa na bumbuazi kwa sekunde chache, kisha anasema kwa sauti kuu, “Sara, hebu njoo hapa kidogo

tu. Hivi yule sie ye ye yule uliyempikia keki? Hivi yule sie yule aliyeketi chini ya mwaloni siku ile?” Sara anasema, “Yule ndiye aliye kuwa ameelekeza mgongo Wake kwenye hema na akayatambua mawazo yangu wakati nilipocheka moyoni mwangu baada ya Yeye kusema nitapata mtoto katika uzee wangu.” Yesu akazungumza akasema, “Enyi watoto, nimekuja kuwachukua sasa—nimeshinda kile kitu cha kuchukiza kinachoitwa dhambi.” Na papo hapo akaja mtu nyuma ya Ibrahim, na wakati mtu huyo alipotazama kwa makini juiu ya mgongo wa Ibrahim ye ye naye alisimama amelipigwa na bumbuazi—ilikuwa ni nabii Danieli, naye akasema kwa sauti kuu, “Yule ndiye lile jiwe nililoona limekatwa juu ya mlima bila kazi ya mikono ambalo litaangamiza falme za dunia.” Papo hapo mtu mw ingine akaja—ilikuwa ni nabii Ezekieli, na wakati alipomtazama Yesu ye ye alisema, “Yule pale yule gurudumu katikati ya gurudumu nililoona likizunguka hewani.” Kila mmoja alikuwa amemwona katika umbo walilokuwa wamemhubiri. Ndipo watu watatu wakaja mbio na wakapitia karibu na Ibrahim wapate kumtazama Bwana—walikuwa ni Shadraka, Meshaki, na Abednego, nao wakalia na kuomboleza kwa sauti kuu, “Huyu ndiye yule mtu aliyesimama pamoja nasi kwenye ile tanuru iliyowaka moto wakati Nebukadreza alipotutupa mle ndani.”

⁴⁸ Loo enyi rafiki zangu, usiku wa leo tumemwambia nyimbo, tumemsifu, na tunesimulia hadithi Yake kwa karibu duniani kote, bali itakuwaje tutakapomwona kama ua la Uwandani, yugiyugi la bondeni, kama aliye mzuri kabisa wa elfu kumi kwa nafsi zetu, yule Alfa na Omega, mwanzo na mwisho, Mfalme wa Utukufu !

⁴⁹ Ndipo Bwana akawaambia, “Nifuateni,” Naye akaanza kwenda na watakatifu wote wa Agano la Kale kuelekea juu duniani, Yeye akiwaongoza, na huku vazi Lake limelowa Damu Yake mwenyewe alishinda angahewa ya huko juu. Jina Lake lihimidiwe! Akapenya katika ukungu wa kuzimu ulioizunguka dunia mpaka akakata anga angani kusudi watoto wote wa Adamu waliopotea wangeomba mpaka wapate ushindi. Akashinda angahewa, akashinda dhambi, akashinda mauti, akashinda kuzimu na kaburi, na ndipo akafufuka kwa ushindi—akaenda mbele kuvuka nyota zilizo juu kuliko nyota zote, kupita mwezi na jua. Akafufuka pamoja na watakatifu wa Agano la Kale. Loo huo ulikuwa ni mwendo wa fahari jinsi gani wakiwa pamoja na Mshindi HALISI! Baada ya kitambo kidogo waliukaribia ule mji wenye utukufu, ndipo Ibrahim akamwambia Sara, “Njoo huku, mpenzi,” naye mama akamwita Isaka aje, Isaka akamwita Yakobo, Yakobo akamwita Yusufu, na walipokuja karibu na Ibrahim ye ye akasema, “Ule ndio mji niliouona ambao mwenye kuujenga na mwenye kuubuni ni Mungu. Nilizunguka-zunguka duniani

nikiutafuta mji huu, nisiuone kamwe, bali sasa tunayakaribia yale malango makuu." Ingawa walikuwa ni watu mashuhuri jinsi hiyo, hata hivyo ilimhitaji huyo Mshindi Mwenye Nguvu kuishinda dhambi, na kuwaongoza hadi kwenye mjii huu mzuri.

⁵⁰ Nuru iliyotoka katika ndani ya mji huo ilikuwa ni kubwa na yenye kung'aa, malango ya lulu yote yakimeka, na pale alikuwapo Yesu upande wa mbele akitembea taratibu. Punde si punde malaika wote walikuwa wakipanda juu ya majengo hayo na kuangalia chini kwenye majeshi makubwa yaliyokuwa yakitembea kijeshi. Ndipo walipokaribia, watakatifu wa Agano la Kale wakapaza sauti kwa nguvu, "Fungukeni enyi malango ya milele, fungukeni, Mfalme wa utukufu apate kuingia—Mshindi Mwenye Nguvu." Malaika wakapiga makelele wakajibu na kusema, "Ni nani huyu Mfalme wa Utukufu?" Nao watakatifu wa Agano la Kale wakajibu, "Bwana wa majeshi, mwenye nguvu katika vita" . . . nayo malango yakafunguka. . . naye akaweka kwenye malango hayo ule msalaba wa kale unaoparuza ili kwamba kila mwanamume ama mwanamke ambaye atapata kupitia kwenye lango hilo itambidi kusujudu mbele ya msalaba huo na kumtambua Yeye kama Mshindi Mwenye Nguvu.

⁵¹ Nao hao malaika, maelfu, na makumi elfu ya maelfu mara nyingi, walipiga makelele na kupaza sauti na kumsifu Bwana wakati huyu shujaa mkuu mwenye nguvu alipoteka mateka, na kuwapa wanadamu vipawa, akatembea kijeshi kwenye barabara za mji huu mkuu. Si kwenye ule Mnara wa Ushindi kama Adolph Hitler, bali katika maeneo ya utukufu malaika waliimba na kumsifu huyo Nyota ya Asubuhi aliposhuka kwenda barabarani kama Mshindi Mwenye Nguvu ambaye alikuwa ameshinda dhambi za ulimwengu, na kuwaleta wenye haki kwa ushindi. Wakashuka moja kwa moja wakaenda kupitia kwenye mji huo mpaka walipofikia kwenye kiti cha enzi—pale kwenye kiti cha enzi aliketi Yehova mwenye nguvu—na wakati Yesu alipokuja kwenye kiti cha enzi alipiga magoti na kusema, "Baba, nimeimaliza ile kazi ambayo ulinipa kufanya; nimelipa deni ya dhambi, nina funguo za mauti na kuzimu pia, na adui wako ameshindwa, na hawa ndio watoto wako ambao wamekuwa wakiingojea saa hiikwa subira." Nami ninamwona Baba anaposema, "Panda juu hapa kwenye kiti changu cha enzi, Mwanangu, na uketi hapa mpaka nitakapomfanya kila adui mahali pa kuwekea mguu Wako"—na Huyo hapo ameketi, Mshindi Mwenye Nguvu!

⁵² Nikitumaini neno Lake, nikiamini kila asemacho, nikitumaini Yeye kama yote niliyo mimi, kama pumzi yangu, kama uhai wangu, kama yote niliyo nayo, usiku wa leo ninajisalimisha kabisa Kwake—mwili, nafsi, na roho—nikikutazamia kuja Kwake kwa pili katika utukufu.

Ninapokuwa na huzuni ninamtumaini, ninapokuwa na furaha ninamtumaini, ninapokuwa mgonjwa ninamtumaini, na ninapokuwa nimepotea ninamtumaini—cho chote kinachonipata ninamtumaini!

⁵³ Jambo dogo lilitotukia wakati fulani uliopita linaingia mawazoni mwangu. Sijapata kulisema jambo hilo hadharani hapo nyuma. Nilikuwa nikiwinda huko juu ya Milima ya Adirondack. Mama yangu ni Mhindi nusu nami ninapenda misitu, mnajua ya kwamba hata wokovu wangu haujaniondolea jambo hilo—ninapenda misitu na milima, hivyo ndivyo vinavyoniburudisha. Nami nilikuwa nikimwambia mke wangu hivi majuzu, nikasema, “Mpenzi, Mungu amenisaidia katika kila kitu nilichowahi kufanya. Mimi ni mvuvi duni, hata hivyo nimevunja rekodi za taifa katika sehemu za ajabu sana ambako mvuvi asingeweza kwenda. Ni Bwana! Nimepiga shabaha za yadi 600 na 700—haiwaziki kabisa kwa bunduki, na nimepiga shabaha mara 33 mfululizo wakati mimi ni mlenga shabaha mbovu. Ni Bwana!” Nilifikiri nilikuwa mtu hodari ajuaye sana misitu, nisingeweza kamwe kupotea. Nilikuwa nimeoa karibuni, na Billy alikuwa ni mvulana mdogo wakati huo—mama yake alikuwa amekufa kama miaka mitano hivi—nami nilikuwa nimemchukua mke wangu Meada, na Billy mwanangu, huko mbali sana katika Adirondacks, nasi tulikuwa katika kibanda kidogo cha kuegemesha mtini, nilikuwa nikimgojea mwangalizi wa misitu aje, nami nikasema, “Ninaamini nitatoka niende nikatafute nyama pori ya mboga. Ninyi ngojeni hapa na wakati mwangalizi wa misitu atakapokuja Meada atawafungulia kibanda.” Kwa hiyo nikawaacha hapo kwenye hicho kibanda kidogo cha kuegemesha mtini, nikaelekea mwituni.

⁵⁴ Nikashuka nikienda kupitia milimani—nilikuwa nimefikiria nilijua Adirondacks vizuri sana hata nilijua kila mti—bali unapofikia mahali ambapo unafikiri unajua jambo fulani, basi hujui lo lote unalopaswa kujua. Nikaendelea kuwinda ndani kabisa kwenye msitu huo, nikifuata mburuzo huu, halafu ule. Hatimaye nikafikia kwenye dume kubwa la kulungu niliyekuwa nikimfuatilia,nami nikampiga risasi. Ilikuwa ni mapema, karibu na wakati wangu wa kurudi, kama nilivyomwahidi Meada kwamba ningerudi kwenye saa nane—kwa hiyo nikamtarisha kulungu wangu na kuelekea kwenye kibanda. Nilipoanza kuondoka niliona ukungu ulikuwa umeshuka mabondeni, na theluji, bali nikaendelea kutembea. Hatimaye, baada ya kitambo kirefu nikarudi moja kwa moja kwenye kulungu wangu. Jambo hili liliinisumbua lakini nikaanza tena, na mara nytingine tena nikarudi pale kwenye kulungu wangu. Wahindi wanaita jambo hili matembezi ya mauti, unatembea katika duara.

⁵⁵ Kufikia wakati huu pepo zilikuwa kali, na mtu ye yote anajua ya kwamba huko milimani wakati huo ukungu uliposhuka ni vigumu kuona mkono wako ukiwa mbele yako, na jambo pekee la kufanya ni kuingia mahali fulani, ujifiche kwenye pango, utafute chakula kama unaweza kukipata, na ukae hapo mpaka huo utakapokwisha. Bali nisingeweza kufanya jambo hilo, nilikuwa na mke na mtoto mchanga kwenye misitu hiyo nao wangekufa katika tufani hiyo, kwa hiyo nisingeweza kufanya jambo hilo. Ilinibidi kujaribu tena na baada ya kwenda umbali niliowazia ningepaswa kwenda, niliwazia, “Vema, nimepotea!” Ndipo nikawazia, “Ngoja kidogo Bill Branham, hujapotea, wewe unafikiria tu kwamba umepotea. Keti chini kwa dakika moja urekebishe malekeo yako.” Basi nilipoanza kuketi chini, huku theluji ikivuma na upopo ukiitingisha miti na kuiangusha, niliwazia tena juu ya mke wangu na mtoto wangu mchanga. Meada hajawahi kutoka mjini maishani mwake isipokuwa iwe ni kutembelea vijijini kwenye gari na kurudi. Angefanya nini huku mimi nikiwa nimepotea mwituni? Angeshikwa na kiwewe kikubwa, angekufa kabla ya asubuhi, ye ye pamoja na mtoto wangu mchanga. Lakini nikasema “Loo, wewe ni ni mjuzi sana wa mambo ya mwituni hivi kwamba usingeweza kupotea. Sasa unajua silika inakwambia uende moja kwa moja upande huu, kwa kuwa upopo ulikuwa unapiga usoni mwako ulipopanda kilima na hauna budi kukupiga mgongoni mwako wakati ukishuka kilimani.” Kwa hiyo nikaanza kwenda tena na nilipoanza kwenda kitu fulani kilianza kuongea—“Mimi ni msaada utakaoonekana tele wakati wa mateso.” Nikasema, “Sasa nimeanza kupata kichaa, nafikiri ninaweza kusikia sauti ikiongea nami.” Nikatikisa kichwa changu na kujambia, “Songa mbele mvulana, jikaze, songa mbele—unaelekea moja kwa moja kwenye kambi yako.” Lakini nilikuwa nimekosea, nilikuwa nimeelekeea moja kwa moja Kanada, bila kujua hilo—na sauti hiyo iliendelea kuzungumza, “Mimi ni Bwana, Mimi ni msaada utakaooneikana tele wakati wa mateso.” Nayo iliendelea kuongea kwa kina zaidi na zaidi ndani yangu mpaka hatimaye nikasimama na kuegemeza bunduki yangu kwenye mti, nikaweka kofia yangu chakavu ya kuwindia ardhini, na kupiga magoti na kusema, “Bwana, mimi si askari mwitu—nimepotea, nami ni mvulana mwenye mashaka, mnyonge. Sistahili kuishi, bali nakusihi sana umrehemu mke wangu na mototo wangu mchanga.” Nilidhani ningeweza kushinda tufani yoyote ile, ningeweza kumudu misitu yoyote ile, bali nilikuta kwamba mimi SIKUWA mshindi, na nilipokuwa nikiomba nilijisikia vizuri sana juu ya jambo hilo. Nikasimama kwa miguu yangu na nikaanza kwenda tena, na nilipofanya hivyo nilimhisi Mshindi Mwenye Nguvu akiweka mkono Wake juu ya bega langu nami nikasimama,

nimeshtuka sana, nilikuwa nimefikiri nilikuwa peke yangu mwituni. Niligeuka nione ni nani angeweka mkono wao juu ya bega langu, bali hapakuwapo na mtu ye yote pale—lakinilipoangalia nyuma niliona ule mnara mlimani, alama ya nchi niliyotumia daima katika misitu hii. Mimi pamoja na waangalizi wa hifadhi ya misitu tulikuwa tumeweka waya wa simu mpaka kwenye mnara huo, nami nilijua njia hiyo vizuri kwa kufuatilia waya huo kwa kuwa nilisaidia kuuweka. Nilipoangalia ule mnara tena nilitambua nilikuwa nikielekea kwenye kifo changu, bila kujua, bali Yeye ni “msaada utakaoonekana tele wakati wa mateso.” Ilikuwa ni kitu gani? Ilikuwa ni mkono Wake wenye nguvu ukiondoa barafu nipate kuona ule mnara. Ilikuwa ndiye aliyeshinda upopo na mawimbi kwa ajili ya wanafunzi Wake—na Yeye sasa alikuwa akishinda tufani hii kwa ajili yangu, akikomesha tufani kubwa kumwokoa maskini mtu mnyonge aliyepotea kama mimi.

⁵⁶ Niliuelekeza uso wangu kwenye ule mnara, nikanyosha uelekeo moja kwa moja bila kupinda—giza lilizidi kuingia bali sikubadilisha uso wangu kutoka kwenye mwelekeo wa ule mnara. Nilijua ya kwamba sasa ningegusa ule waya uliotoka kwenye ule mnara mpaka kwenye kile kibanda, na karibu na hicho kibanda kulikuwako na kibanda kidogo cha kuegemesha mtini ambamo ningemkuta mke wangu na mwanangu.

⁵⁷ Nilipokuwa nikitembea niliendelea kuimba, “Ninamtumaini Bwana wangu, ninasimama kwenye Neno Lake,” tena nikawaza, “Loo, laiti ningaliweza kuugusa ule waya wa simu,” nami nikaeendelea kutembea huku nimeinua mkono wangu hewani ili kwamba kama nikipita chini yake ningegusa. Nilikuwa karibu nimekata tamaa wakati mkono wangu ulipogusa kitu fulani—kilikuwa ni ule waya! Nisingeuachilia huo waya, nilitupa chini bunduki yangu, nikavua kofia yangu, na hapo katika giza hilo nikalia kama mtoto mchanga kwa kuwa nilijua Mungu alikuwa amenisaidia, na mwishoni mwa waya huo mke wangu na mtoto wangu mchanga waliningojea. Niliushikilia huo waya njia nzima nikishuka mlima na hatimaye nikafikishwa salama kwa wapenzi wangu.

⁵⁸ Ndugu, siku moja wakati nilipokuwa nimepotea vibaya zaidi ya hivyo, nilisikia sauti ikinena na mimi na kusema, “Mimi ningali ni Mshindi Mwenye Nguvu niwezaye kuondoa dhambi zako zote,” nami nikaweka mkono wangu juu ya nguvu za Mwenyezi Mungu ambazo zilinitikisa kutoka juu ya kichwa changu hadi miguuni mwangu. Nitaweka mkono wangu juu Yake, kwa kuwa mwishoni mwa safari hii Mwokozi wangu anangoja, na wapenzi wangu. Nitaushikilia waya unaoongoza kutoka msalabani hadi utukufuni, na kumtumaini hata nitakapokufa, kwa kuwa ameshinda adui zangu wote,

ameshinda magonjwa yangu, alishinda dhambi zangu, Naye amenifanya mimi “zaidi ya mshindi katika Kristo Yesu.” Aliyeshinda yote kwa ajili yangu.

⁵⁹ Loo, ee rafiki mwenye dhambi, kama umepotea—kama unahitaji kuushika mkono Wake ambaو utakuongoza kwenye usalama—sasa ndio wakati! Tufani za maisha haya zitakushika nawe utapotea milele—nyosha mkono upate kumshika tunapoinamisha vichwa vyetu na kuomba . . .

Shukrani zangu nyingi kwa Leo Mercier na wakurugenzi kwa ajili ya taabu yao na kujitoa kwao kufanya kazi pamoja na mimi na kuwaleta kitabu hiki kidogo, ambacho ninaomba kitakuwa ni baraka na kwenu na kitaendeleza Ufalme wa Mungu —

William Branham.

Umeandikwa Na Binti Rosella Griffith wa Joliet, Illinois

Ningependa kutoa ushuhuda hapa, kwa maana Yesu alisema “Enendeni mkawe mashahidi wangu”..nasi tunashinda kwa Damu ya Mwana-Kondoo, na kwa neno la ushuhuda wetu. Nisingeweza kutoa ushuhuda kama huu kama ningalikuwa katika hali yangu ya zamani, lakini mimi siko ndani yangu mimi mwenyewe, nimo ndani ya Kristo Yesu.

Mimi ni mtoto wa pekee, na kwa kadiri ninavyoweza kukumbuka niliendelea kutafuta kitu fulani cha kuniridhisha. Nilibaki kutafuta kitu fulani, sikujua ni kipi. Nilikuwa nikitatfuta amani na furaha. Ilinibidi nicheze na watoto wengine wa mtaani, na ilionekana kamwe sikuchukiana nao. Nilipelekwa kama mtoto kwenye Kanisa la Kimethodisti katika mji wetu mdogo huko Illinois ya Kusini. Nilipokuwa na umri wa miaka sita niliambatana na bibi yangu kwenye uamsho, nasi tulishuka tukaenda huko kwenye ile miburuzo ya unga wa mbao ili kuutoa moyo wangu kwa Yesu, lakini hakuna mtu aliyenisaidia. Nachelea sikumwisia. Nilienda kwenye shule ya Jumapili, kanisani, na kwenye majira ya kiangazi nikaenda kwenye Kambi ya Vijana kutoka katika Kanisa letu, bali kupitia kwa haya yote, sikumjua Yesu Kristo kama Mwokozi wangu....(Nilijua hadithi juu ya Yesu, bali kwa kweli sikumjua Yeye wakati huu.)

Ndipo tukahamia kwenye mji mwengine, na baada ya kuhitimu katika shule ya Sekondari ya Juu, nilianza kufanya kazi katika ofisi fulani, siku 6 na 7 kwa juma, kwenye zamu ya saa 9-5 jioni. Kwa hiyo wakati wasichana walipotoka kazini jioni, tunetoka kwenda pamoja. Mara nyingi tungeenda Chicago. Tulifikiri tulikuwa tukijifurahisha. Tungecheza dansi, na ni wazi kwamba tungekunywa baadhi ya pombe kidogo. Wao wangeacha wakati walipotaka kuacha kunywa, bali mimi nisingeweza kuacha, kwa kuwa ningeagiza pombe zaidi, nikiwa nimewazidi kwa mbali. Sikuwa mzinzi, bali Mungu alisema dhambi moja ni kubwa kama hiyo nyingine machoni Pake. Nilikasirishwa na jambo kwamba nililazimishwa kufanya jambo fulani nisilopenda kufanya. Katika mwaka wa 1949 nilijua nilikuwa mlevi sugu kabisa (sikutaka kukubali jambo hilo hata kwa nafsi yangu). Nilikuwa kwenye kiwango cha chini kabisa cha uadilifu na ilionekana kana kwamba hapakuwapo na matumaini kwangu. Wazazi wangu walitaka kunisaidia, bali hawakujua jinsi ya kunivumilia, kwa kuwa hakuna ye yote wao aliyekunywa pombe. Moyoni mwangu nilitaka kuwa huru, nami nilijaribu kila kitu kuondoa nia yangu kwenye kunywa pombe, bali hakukuondolea mbali tabia hiyo.

Hatimaye nikaamua ningejaribu kwenda kwenye Shirika la Walevi Sugu, nikifikiri huenda wakanisaidia. Kwa kweli sikuwa na furaha kuwapo kwenye shirika hili, ingawa nilikaa bila kulewa kwa miezi 9 kwa kuhudhuria mikutano yao. Niliomba kila siku hapo chini ya kitanda changu, kwamba Mungu anipunguzie ulevi. YEYE kweli alinipunguzia ulevi, bali sikuwa na furaha wala huru. Kabla ya kujiunga na Shirika la Walevi Sugu, nilikuwa nikiingia na kutoka kwenye hospitali mbalimbali, mpaka wakachoshwa na kuniona nikija. Nilienda kwenye Hospitali ya Welevi Sugu huko Chicago, ambako ilinigharimu \$150.00 kwa siku 5, na jamaa yangu haikuwa tajiri, kwa gharama za bili za hospitali na za daktari zkipanda. Kwenye kipindi hiki cha maisha yangu, nilikuwa mnyonge sana, nikapungua uzito, na mwenye mashaka tu. Madaktari watano walikuwa wamenikatia tamaa kabisa, daktari mmoja alisema kwamba katika muda wa miezi sita ningekuwa kwenye hospitali ya wenda wazimu. Majirani walikuwa wamenicha, wahudumu hawakujuwa wafanye nini. Mhudumu mmoja alikuja na kujaribu kuhojiana nami juu ya Maandiko. (Kile nilichohitaji kilikuwa ni mtu fulani ambaye angefanya vile wanafunzi walivyofanya, kumwamuru pepo wa pombe aondoke katika jina la Yesu Kristo.

Baba yangu alimwambia Mama yangu aache kuniombea, kwa kuwa nisingeweza kamwe kubadilika, bali ye ye hakumsikiliza, kwa kuwa alisema ya kwamba labda nisingebadilika, bali alijua ya kwamba Mungu aliweza kunibadilisha. Mama alinunulua koti la manyoya, akifikiria kama ningalianguka kwenye nisingekufa kwa baridi. Nilikata mifuko ya koti hilo na kuweka chupa kote katika kitambaa cha ndani cha koti hilo. Nina furaha sana Mama yangu hakuniacha, naye alishikilia kabisa Neno la Mungu wakati watu wote waliposema nisingeweza kubadilika. Ingawa nilimwaibisha, wala hakufahamu kwa nini nilifanya nilvyofanya, bado aliambatana nami. Nilipoinua kikombe ama glasi kukinywea, nilitetemeka sana, ilibidi niipapie kama kitoto mbwa.

Niligeuka nikawa Mkatoliki nikitatufuta amani ya moyoni, hata ingawa sikuuamini. Waliniambia ya kwamba nilihitaji msaada, bali hawakunipeleka kwa Kristo. Kwa jumla, kila mtu duniani isipokuwa Mama yangu alikuwa amenikatia tamaa kama mtu asiye na matumaini. Wakati nilipokuwa katika hali mbaya kuliko nilivyopata kuwa, Mama yangu aliniona katika ono nikiokoka, nyumba ya mimbara nikifungua Biblia. Yeye alimwamini Mungu. Kwa kuwa Mungu alimwonyesha katika ono, badala ya kuwaamini madaktari watano wa duniani, baadaye ono hili lilitimizwa. Nilipokuwa katika hali mbaya kabisa, hatimaye, daktari fulani aliningojea usiku kucha chini ya kitanda changu, nipate kuvuta pumzi yangu ya mwisho. Ninashukuru sana kulikuwako na daktari Mkuu zaidi kuliko

daktari huyo aliyejekuwa amesimama pale, aliyejekuwa anajua sitakufa, bali nitaishi nipate kulitukuza Jina LAKE. Yesu alisema “Mwivi huja kutafuta na kuangamiza na kuharibu, bali Mimi nimekuja ili mpate uzima kisha mwe nao tele.”

Nilipokuwa nikipapasa nipate mwali wa nuru wakati maisha yalipokuwa ni giza totoro, watu fulani waliniambia juu ya mkutano huko Hammond, Indiana, ambako Nabii wa Mungu, Kasisi William Branham, alikuwa akiwaombea wagonjwa, ambapo viwete walitembea, ambapo vipofu waliponywa, kansa ziliponywa, na miujiza ilifanyika katika Jina la Kristo. Niliyashikilia maneno haya, kwa kuwa nilifikiri kama hawa watu wangeweza kuponywa hakika basi ningeweza kuponywa, pia. Tulihudhuria mkutano huo siku ya tatu baada ya kuambiwa habari za mkutano huo. Mama yangu, rafiki yake pamoja na mimi tulienda kwenye Kituo cha Umma jijini siku hiyo ya tarehe 11 Julai, 1952, ambako mkutano ulikuwa ukifanyikia. Niliwaona watu wakiimba na kumsifu Mungu. Nikafikiri hakika walikuwa na furaha kweli. (Ningali niliangalia kutoka pembeni mwa miwani yangu nione jinsi walivyokuwa wakifanya, nami nikafikiri nitaambatana nao, endapo ningeweza kupata msaada). Baadaye nilipata kujua ya kwamba hapa kuna furaha halisi katika kumtumikia Yesu Kristo. Si ajabu walikuwa na furaha sana. Tulirudi baada ya mkutano wa alasiri, nami nikapata kadi ya maombi. Jambo moja ninalokumbuka juu ya mkutano huu lilikuwa ni jinsi walivyotilia mkazo, “Yesu Kristo, ye ye yule jana, leo na hata milele.” Sikujua Andiko hata moja la uponyaji, nikiwa nimelelewa katika kanisa la kisasa, tu niliwazia tu kwamba kama Mungu aliumba ulimwengu na maajabu yake yote na akaniumba mimi, basi lingekuwa ni jambo dogo Kwake kuponya mwili wangu. Niliinamisha kichwa changu na kumwomba Mungu kwamba kama yalikuwa ni mapenzi Yake kuniponya atafute njia. Hayo tu ndiyo niliyosema. Sikujua ya kwamba Biblia inasema “Kwa mapigo Yake sisi tumeponywa.” Nilipata kadi ya maombi. Ndugu Branham alikuja na kuhubiri. Baada ya ibada ya kuhubiri Ndugu Branham aliita kadi za maombi J25-J50, yangu ilikuwa ni ya tatu mstarini, J27, kwa hiyo nilienda nikijua kama nikisimama mbele ya mtu huyu wa Mungu ningeponywa. Nilipoingia mstarini, Ndugu Branham alisema aliniona mimi katika giza. Akasema “Je! unamwamini Nabii wa Mungu?” Nikasema “Ndio.” Ndg. Branham akasema, “Kama Mungu akinifunulia una shida gani, na kama Yesu akikuponya, je! utamtumikia Yesu maishani mwako mwote”? Nikasema, “Ndio.” Ndugu Branham akawaambia wasikilizaji wainamishe vichwa vyao, kisha akaweka mkono wake juu ya kichwa changu, na kumkemea pepo wa pombe atoke maishani mwangu, katika Jina la Bwana Yesu Kristo, nami

nikaondoka jukwaani nikiwa **huru**. Nilijisikia vizuri sana kujua ya kwamba kwa mara ya kwanza maishani mwangu nilikuwa HURU. "Yeye ambaye Mwana anamweka huru ni huru kweli." Yesu Kristo aliuponya mwili wangu katika muda wa sekunde chache, ambapo kwa watu wengine wote mimi nilikuwa ni kero. Jina Lake takatifu lisifiwe. Nilikuwa na mkutano wangu binafsi, wakati nilipoondoka kwenye jukwaa hilo. Jamani, jinsi nilivyokuwa na furaha (kwa kuwa nilikuwa na kitu fulani nilichotamani maishani mwangu mwote) katika Kristo.

Bibi fulani alinijia, na kusema alijisikia kunisikitikia sana, nami nikawambia haimpasi kunisikitikia kwa kuwa Yesu alikuwa ameuponya mwili wangu hivi punde, nami nilikuwa ni mzima. Akaniomba kama ningempigia simu binti yake nami nikamwuliza mara tatu alikuwa na shida gani. Akasema alikuwa ni mtumwa halisi wa dawa za kulevyia. Hata makachero wa FBI wasingezea kumpata kwa miezi kadha, bali alikuwa amekuja nyumbani sasa. Alikuwa mcheza dansi, pamoja na Fred Astair, na alihitaji msaada. Vema, alinipa nambari yake ya simu na kuniomba nimpigie simu atailipia. Ilibidi nifanye hivyo, kwa kuwa nilikuwa ndiyo kwanza nipoteze kazi yangu nzuri. Watu waliniambia nisimpigie simu. Pia Mama yangu aliniambia nisimpigie simu, nisije nikajishirikisha tena. Vema, usiku huo nilipokuwa nikirudi nyumbani kutoka Hammond, Indiana, mara tu baada ya kuponywa, tulismama tunywe kahawa na kula aisikrimu (usiniulize kile nilichokula kwa kuwa sikumbuki, nilikuwa na furaha tele).

Usiku huo nilimjia Mungu, nikimwomba anionyeshe kwamba nilikuwa nimeponywa, kwa kuwa nilijua nilikuwa nimeponywa. Nilimwomba Mungu anisamehe kila dhambi niliyopata kufanya dhidi Yake kwa kuwa nilitubu. Nikangojea kwa kama dakika 10, na nikawa nimelala pale kitandani mwangu na nimenyosha mikono yangu nafsi yangu yenyele iliondoka mwilini mwangu, ikaenda kwenye dari, nami nikaogopa. Nikimwita Mama, naye akasema nilikuwa tu ndio kwanza nimeokoka. Nilifurahi sana. Kesho yake asubuhi baada ya kuokoka na kuponywa, niliamka, nikala, na kumwambia Mama nilisikia shauku kubwa ya kumpigia simu msichana yule. Nilienda kweye simu na kumzungumzia msichana huyo kwa dakika 45. Alipata kila udhuru wa kutohudhuria mkutano, kisha akaniuliza jinsi nilivyojua nilikuwa nimepona. Nilimwambia tulikuwa tumejaribu kila kitu kingenecho, kwa hiyo hebu na tumjaribu Bwana Yesu. Nilihudhuria mkutano kesho yake, baada ya kuokoka na kuponywa, ndipo nikakutana na msichana huyo (mara ya kwanza niliyopata kumwona maishani mwangu). Akapata kadi ya maombi, na namba yake ikaitwa. Akaniomba kama

ningeweza kwenda pamoja naye mstarini. Nikaenda, naye akaniuliza kile anachopaswa kufanya. Nikamwambia asahau kila kitu kingine, na kumwamini Yesu tu. (Hebu wazieni nilikuwa ndio kwanza tu nimeokoka na kuponywa usiku wa jana yake, nami nilikuwa nikitenda kana kwamba nilijua kila kitu.) Alikuwa wa mwisho mstarini, na Ndugu Branham akamwombea. Yesu akamponya, na jinsi sisi sote wawili tulivyokuwa na furaha tulipoonana, machonzi yakinirika mashavuni mwetu, tukjua ilikuwa ni nguvu za Mungu zilizotuweka huru. Ni vitamu jinsi gani kumtumikia Kristo! Bwana ni wa ajabu! Yesu alinipa kazi nzuri baada ya maombi, nami ningeombea kuongezewa mshahara, na ningeongezewa, pia. Hakuna kitu kilicho kigumu sana kwa Mungu.

Juma moja baada ya mimi kuokoka na kuponywa, nilienda mkutanoni. (Nilienda kila siku baada ya hapo mpaka mikutano ulipokwisha.) Mwanamume mmoja aliambatana nasi ambaye alikuwa ni mlevi sugu, na pia mama yangu na baba yangu. Baada ya Ndg. Branham kuhubiri aliita kadi za maombi. Baba yangu alikuwa na kadi ya maombi R60. Ilikuwa ni namba kubwa sana kuja kufikiwa, kwa hiyo nikainamisha kichwa na kuomba. Nikamwomba Mungu amponye huyo mlevi sugu, kama YEYE alivyoniponya. Pia amponye baba yangu na kumwokoa. Ndugu Branham aligeuka na kusema, "Msichana aliye kwenye roshani aliponywa juma moja lililopita kitu kile kile ulicho nacho, bwana. Anakuombea, na pia anamwombea mtu mwingine. Ni baba yake. Mwambieni asimame. Weka mkono wako kwenye kichwa chake. Acha akubali uponyaji wake na wokovu.

Daima mimi huomba kwanza, kisha ninaomba kupewa likizo zangu nipate kuhudhuria mikutano ya Ndg. Branham. Ninaona kila ninapokwenda ninapata msaada. Ninajisikia kubarikiwa kuhudhuria mikutano mingi kama ninavyohudhuria, na kwa kweli ninamshukuru Mungu. Mungu ameyabariki sana maisha yangu. Baba yangu alianza kwenda kwenye Shule ya Jumapili na Kanisani pamoja na mama na mimi, na kwa kweli nina maisha mapya kabisa katika Kristo. 2 Kor. 5:17: "Hata imekuwa, mtu akiwa ndani ya Kristo amekuwa kiumbe kipyta; ya kale yamepitaa; tazama! yamekuwa mapya."

Hebu niseme jambo moja, **kamwe** sijatamani pombe tangu usiku huo tarehe 11 Julai, mwaka wa 1952. Vile vile Bwana aliondoa tabia ya kuvuta sigara, pia. Kwa hiyo siku hizi ninaenda kwenye ibada za jela kujaribu kuwavuta watu kwa Kristo, pia katika maskani za wasio na makazi. Ninaenda kwenye makanisa madogo, makanisa makubwa, mahali po pote niwezapo kushuhudia juu ya Kristo, kwa kuwa amenitendea mambo makuu sana. Nisingeweza kumshukuru

vya kutosha. Biblia inasema, "Yeye ayasikiaye maneno yangu na kumwamini Yeye aliyenipeleka yuna uzima wa milele, wala hataingia hukumuni, bali amepita toka mautini kuingia uzimani."

Nisingeweza kuwashuhudia watu kama jinsi vile ninavyofanya sasa, kama ningalikuwa katika hali yangu ya zamani, kwa kuwa ningeona aibu, bali siko hivyo nilivyokuwa tena, nimo ndani ya Kristo. Yesu alisema, "Kwa kuwa mimi ni hai ninyi nanyi mtakuwa hai pia." Ninafurahi sana kwa ajili ya mama Mkristo ambaye asingeweza kukata tamaa, hata ingawa alifanyiwa mzaha mtaani mwetu, nk. Bali sasa nyumbani mwetu ni mahali penye furaha. Nina furaha sana ya kwamba Yesu alisema "Nimekuja kuwaweka mateka huru." Kwa kweli ninamshukuru Mungu kwa ajili ya rehemaa na upendo Wake kwangu. Mungu aliyasikia maombi ya Mama yangu, aliona moyo wangu mwaminifu, nikitaka kuwa huru, na akamtuma Nabii Wake, Kasisi William Branham kuja Hammond, Ind., kumleta Kristo maishani mwangu. Hakika, nina heshima ilioyo kuu sana na upendo wa Kikristo kwa ajili ya Ndg. Branham, na kweli yeye ni Nabii wa kweli wa Mungu. Nina furaha sana ya kwamba Yesu aliniona na akafahamu, na akajua nilitaka kuwa huru. Jina Lake lisifiwe.



Kuna zaidi ya jumbe 1179 asili za Kiingereza za Ndugu William Marrion Branham zilizorekodiwa na zinapatikana katika vielezo vya kusikia. Nyingi za jumbe hizi zinapatikana katika vitabu. Kuna maofisi na maktaba za kuazimisha katika mataifa kote ulimwenguni ambamo jumbe hizi zinapatikana kwa urahisi katika lugha nyingi.

SWAHILI

©2010 VGR, ALL RIGHTS RESERVED

Kwa maeleo zaidi ama kupata jumbe za
Kasisi Branham waombwa kuwasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ilani ya haki ya kunakili

Haki zote zimehifadhiwa. Kitabu hiki kinaweza kuchapishwa kwa matbaa ya nyumbani kwa matumizi ya kibinafsi ama kusambaza, bila malipo, kama chombo cha kuitangazia Injili ya Yesu Kristo. Kitabu hiki hakiwezi kikauzwa, kunakiliwa kwa wingi, kuwekwa kwenye mtandao, kuhifadhiwa kikatolewe tena, kufasiriwa katika lugha zingine ama kutumiwa kuomba fedha bila idhini halisi iliyoandikwa moja kwa moja kutoka Voice Of God Recordings®.

Kwa habari zaidi ama kwa vifaa zaidi, tafadhali wasiliana na:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org